

PELAN ANTIRASUAH NASIONAL 2019-2023



JABATAN PERDANA MENTERI

# SEMAKAN SEMULA

SEPARUH PENGGAL





ISBN No : 978-967-17951-4-9

DITERBITKAN OLEH :



## **JABATAN PERDANA MENTERI**

Pusat Governans, Integriti dan Antirasuah Nasional  
Aras 3, Blok Barat, Bangunan Perdana Putra  
Pusat Pentadbiran Kerajaan Persekutuan  
62520 Putrajaya

Tel : +603-88727140/7184

Fax : +603-88905440

© GIACC MEI 2021

## **HAK CIPTA TERPELIHARA**

Sebarang edaran atau penghasilan semula mana-mana bahagian atau keseluruhan kandungan dalam apa jua bentuk adalah dilarang. Sebarang pengeksploitasian untuk tujuan komersial tanpa kebenaran bertulis adalah tidak dibenarkan sama sekali.



# MEMECAH RANTAIAN RASUAH





# AMANAT KEPIMPINAN

*Assalamualaikum Warahmatullahi Wabarakatuh dan Salam Sejahtera*

Tahun 2020 merupakan tahun yang amat mencabar dalam segenap aspek buat negara kita Malaysia yang tercinta. Lantas, tidak pernah sesekali dalam sejarah negara sebelum ini, para pemimpin dan juga rakyat akan terfikir bahawa bagaimana suatu pandemik yang bernama Coronavirus (COVID-19) telah mewujudkan norma baharu dalam kehidupan rakyat secara keseluruhan.

Dalam langkah berjaga-jaga mendepani masalah pandemik yang sehingga kini belum reda sepenuhnya, kita tidak boleh sekali-kali alpa bahawa dalam setiap pembuatan keputusan dan tindakan yang diambil, aspek tadbir urus, integriti dan antirasuah perlu dijadikan asas utama dan tidak boleh dikompromi.

Justeru, dalam membina sebuah negara bebas dari elemen rasuah yang pastinya, jika tidak ditangani, akan menjejaskan nama baik negara. Pelbagai usaha perlu dilaksanakan secara kolektif. Kerajaan telah meletakkan komitmen yang tinggi ke atas pelaksanaan inisiatif yang terkandung dalam Pelan Antirasuah Nasional (NACP) dan merupakan keutamaan Kerajaan, yang sejak ia dilancarkan dengan 115 inisiatif keseluruhan, telah menunjukkan momentum yang positif.



Hasil dari penilaian ke atas pencapaian dan status inisiatif NACP yang telah dilaksanakan hampir dua tahun sejak Januari 2019, maka dokumen **Laporan Semakan Semula Separuh Penggal NACP** ini diterbitkan sebagai suatu rujukan kepada semua pihak yang menjelaskan status pencapaian dan penambaaian berterusan yang dibuat hasil pemantauan dan penilaian yang telah dijalankan.

Semasa penyediaan Laporan Semakan Semula Separuh Penggal NACP 2019-2023 ini, kita semua masih belum berjaya memutuskan sepenuhnya rantaian Coronavirus (COVID-19) dan belum bebas sepenuhnya dari pandemik ini, namun itu bukanlah halangan untuk setiap daripada kita melawan rasuah yang mendatang dalam apa jua bentuk dan keadaan dan membebaskan negara dari kancas rasuah. Yang pasti, masalah dan isu tetap akan wujud, namun apa yang penting, adakah tindakan yang diambil tersebut kelak akan seiring dengan agenda memartabatkan tadbir urus baik, integriti dan antirasuah atau tidak.

Akhir kata, saya menyeru agar semua pihak samada pemimpin, ketua organisasi di sektor awam atau swasta, pemimpin masyarakat dan aktivis-aktivis NGO atau CSO serta setiap individu rakyat di setiap lapisan untuk bersama-sama menjalankan amanah dalam memainkan peranan masing-masing dan menyatakan komitmen memerangi rasuah dan disusuli dengan tindakan yang merupakan refleksi jelas bahawa memerangi rasuah dan membentuk nilai dan budaya menolak rasuah memerlukan kepimpinan melalui tauladan.

Saya ingin menegaskan bahawa kita tidak boleh cepat berpuas hati dengan pencapaian sedia ada negara dalam usaha memerangi rasuah dan penerapan nilai murni, sebaliknya perlu terus sentiasa berusaha untuk memacu agenda negara ke arah yang lebih baik. Saya petik kata-kata pedoman berikut:

*Membina nama baik integriti mengambil masa bertahun-tahun, namun, ianya boleh dihancurkan dalam masa sesaat, oleh itu, jangan biarkan diri anda melakukan apa-apa perkara yang boleh merosakkan integriti anda.*

Sekian.



**Tan Sri Dato' Haji Muhyiddin bin Haji Mohd. Yassin**  
Perdana Menteri Malaysia

# PERNYATAAN KOMITMEN

Menjunjung titah Kebawah Duli Yang Maha Mulia Seri Paduka Baginda Yang Di-Pertuan Agong semasa Sidang Pembukaan Penggal Ketiga, Parlimen Ke-14 pada 18 Mei 2020 yang lalu agar Kerajaan akan terus melaksanakan Pelan Antirasuah Nasional (NACP), maka pelbagai usaha menerusi pemantapan governans, integriti dan antirasuah dalam pengurusan pentadbiran kerajaan dilaksanakan dalam pelbagai platform dan kaedah bagi meningkatkan kecekapan dan ketelusan.

Pada tahun 2020, NACP telah dikenalpasti sebagai salah satu faktor yang secara tidak langsung, membantu kejayaan Malaysia memperbaiki reputasi dalam Indeks Persepsi Rasuah (CPI) 2019. Indeks global membabitkan 180 negara di seluruh dunia itu menyaksikan Malaysia melonjak ke tangga ke-51 berbanding berada di kedudukan ke-61 pada 2018, iaitu peningkatan yang sangat besar malah yang terbaik sejak 20 tahun yang lepas.

Sejak pelaksanaan NACP, negara telah melalui fasa perubahan pentadbiran Kerajaan dan tumpuan dalam usaha pemulihan ekonomi yang terkesan akibat wabak COVID-19, namun Kerajaan komited meneruskan usaha meningkatkan tadbir urus dan integriti melalui pelaksanaan dasar-dasar yang telah dipersetujui seperti yang dinyatakan dalam inisiatif NACP 2019 – 2023.

Melalui semakan dan penilaian hasil pemantauan yang dilaksanakan secara berkala ke atas kemajuan pelaksanaan inisiatif NACP, maka **Laporan Semakan Semula Separuh Penggal NACP** ini dihasilkan sebagai wadah penyampaian berkaitan pencapaian dan penambahbaikan yang telah dilaksanakan ke atas 115 inisiatif NACP sejak pelaksanaan pada Januari 2019.

Seiring dengan perubahan semasa dan dasar negara khususnya agenda pengukuhan integriti, antirasuah dan tadbir urus baik dan selaras dengan keperluan instrumen antarabangsa *United Nations Convention Against Corruption* (UNCAC), laporan ini juga menggariskan inisiatif-inisiatif baharu sebagai tambahan ke atas inisiatif sedia ada.

Dalam merealisasikan matlamat NACP, peranan dan kerjasama ketua-ketua agensi pelaksana yang telah dilantik bersama agensi rakan strategik masing-masing adalah amat penting, bagi memastikan kesinambungan dan kelangsungan pelaksanaan inisiatif-inisiatif agar keberkesanan pelaksanaan inisiatif dapat dikecapi.

Kami yakin dengan usahasama berterusan dan secara kolektif di antara semua pihak baik dalam kalangan ahli politik, sektor awam, swasta mahupun organisasi bukan kerajaan, matlamat NACP ini akan dapat dicapai dan memberi manfaat secara menyeluruh bukan sahaja di peringkat nasional malahan juga di peringkat antarabangsa demi menginstitusikan tadbir urus baik, integriti dan antirasuah untuk negara.





**YBhg. Tan Sri Mohd Zuki bin Ali**  
Ketua Setiausaha Negara



**YBhg. Datuk Seri Mohd Sallehuddin bin Hassan**  
Ketua Pengarah  
Pusat Governans, Integriti dan Antirasuah Nasional  
Jabatan Perdana Menteri



**YBhg. Datuk Seri Azam bin Baki**  
Ketua Pesuruhjaya  
Suruhanjaya Pencegahan Rasuah Malaysia





# RINGKASAN EKSEKUTIF

Penerbitan Laporan Semakan Semula Separuh Penggal NACP ini adalah selaras dengan penekanan negara untuk memastikan setiap inisiatif yang dipelopori oleh kerajaan adalah bagi memastikan negara berjaya keluar dari kepompong kancas rasuah yang boleh merosakkan negara. Jawatankuasa Khas Kabinet Mengenai Antirasuah pada 25 Jun 2020 telah memutuskan suatu laporan khusus untuk semakan pencapaian inisiatif NACP perlu dilaksanakan bagi mengenalpasti penambahbaikan berterusan seiring dengan dasar semasa kerajaan. Justeru, Laporan ini dihasilkan dan menjadi rujukan semua pihak ke atas tahap pencapaian dan penambahbaikan berterusan yang diambil dalam menjadikan negara bergerak menuju era kemajuan bersandarkan institusi yang utuh tanpa terpalit dengan elemen rasuah dalam apa jua bentuk dan keadaan.

**Bab 1** memberi tumpuan kepada latar belakang Laporan ini diterbitkan, dan langkah yang telah dilaksanakan oleh kerajaan dalam menambahbaik usaha dalam menjadikan Malaysia sebuah negara yang bebas rasuah sebagaimana visi Pelan Antirasuah Nasional (NACP). Seiring dengan perubahan dasar semasa kerajaan khususnya agenda pengukuhan tadbir urus, integriti, antirasuah dan mengambil kira keperluan instrumen antarabangsa iaitu *United Nations Convention Against Corruption* (UNCAC), Laporan ini juga menggariskan inisiatif-inisiatif baharu sebagai tambahan ke atas inisiatif NACP sedia ada.

**Bab 2** memberi tumpuan kepada inisiatif-inisiatif NACP sedia ada dan baharu. Kesemua inisiatif adalah terangkum di bawah enam (6) bidang keutamaan iaitu Tadbir Urus Politik, Pentadbiran Sektor Awam, Perolehan Awam, Perundangan dan Kehakiman, Penguatkuasaan Undang-Undang dan Tadbir Urus Korporat dengan enam (6) strategi yang khusus. Daripada enam (6) strategi, sebanyak 17 objektif strategik yang mendasari 82 inisiatif keseluruhan dan seterusnya akan dipantau dan dinilai pencapaian sehingga tahun 2023.

## *Bab 1*

**PENGENALAN**  
**11–15**



## *Bab 2*

**MEMPERKASA**  
**AGENDA**  
**ANTIRASUAH**  
**DALAM NEGARA**  
**17 – 41**



## *Bab 3*

**KESIMPULAN**  
**43–47**



# **KANDUNGAN**



# *Bab 1*

## PENGENALAN



# Latar Belakang

Laporan Semakan Semula Separuh Penggal NACP yang diterbitkan adalah seiring dengan mandat yang diberi iaitu bahawa NACP ialah sebuah dokumen merentas masa (*living document*). Menyedari pelbagai cabaran perlu dihadapi dan ditangani sebagaimana yang dinyatakan dalam Bab 2 semasa penerbitan NACP pada tahun 2019, justeru, pembangunan Laporan ini dikeluarkan pada tahun 2021 setelah mencapai dua tahun pelaksanaan inisiatif yang digariskan dalam NACP 2019–2023. Perubahan dasar semasa dalam pentadbiran kerajaan susulan daripada perubahan pucuk pimpinan negara juga diambil kira dalam penyediaan Laporan ini, dan keseluruhan inisiatif NACP juga telah disemak bagi memberi ruang kepada penambahbaikan berterusan.

Mendepani pelbagai modus operandi pihak-pihak yang terlibat secara langsung atau tidak langsung dalam perlakuan rasuah, pelanggaran integriti dan kelemahan tadbir urus dalam institusi atau organisasi, keperluan untuk penambahan inisiatif-inisiatif baharu juga dimuatkan dalam Laporan ini sebagai komitmen kerajaan dalam mencegah rasuah dan menyekat bibit-bibit yang akan membawa kepada kepincangan sebuah negara ekoran kelemahan dalam membasmi rasuah secara holistik.





# Semakan Inisiatif Seiring Dengan Dasar Semasa Kerajaan

Menelusuri agenda antirasuah dalam negara, pelbagai aspek perlu diperhalusi untuk memastikan pelaksanaan inisiatif yang mampan untuk kesejahteraan negara. Justeru, terdapat 13 Inisiatif yang ditangguhkan pelaksanaan telah dinyatakan dalam Laporan ini mengambil kira keperluan untuk semakan dan kajian mendalam dibuat sebelum pelaksanaan secara menyeluruh. Rujukan lanjut ke atas inisiatif yang telah ditangguhkan tersebut telah dijelaskan dalam Laporan Kemajuan Pelan Antirasuah Nasional (NACP) 2019-2023 bagi tahun 2019.

Antara inisiatif-inisiatif yang ditangguh untuk kajian mendalam adalah inisiatif yang melibatkan pindaan kepada Perlembagaan Persekutuan dan akta-akta lain yang berkuatkuasa.

Laporan Semakan Semula  
Separuh Penggal NACP ini  
hendaklah dibaca bersama  
dengan Pelan Antirasuah  
Nasional (NACP) 2019-2023



# Bidang Keutamaan

Laporan ini mengandungi 82 inisiatif keseluruhan dengan penekanan ke atas enam (6) bidang keutamaan yang berisiko tinggi rasuah masih dikekalkan dalam Laporan Semakan Semula Separuh Penggal ini seperti berikut:

- |                                  |                                       |
|----------------------------------|---------------------------------------|
| <b>1</b> Tadbir urus politik     | <b>4</b> Perundangan dan kehakiman    |
| <b>2</b> Pentadbiran sektor awam | <b>5</b> Penguatkuasaan undang-undang |
| <b>3</b> Perolehan awam          | <b>6</b> Tadbir urus korporat         |

## Penambahan Inisiatif Baharu: Suatu Penekanan

Inisiatif-inisiatif baharu yang digariskan dalam Laporan ini melibatkan antaranya bidang tadbir urus politik, perolehan awam, penguatkuasaan undang-undang dan tadbir urus korporat.

12 inisiatif baharu yang terkandung di dalam Laporan ini ditandakan (\*) untuk rujukan.

# Matlamat Pelan Antirasuah Nasional 2019–2023

Bil	Pernyataan Matlamat	Pencapaian Bagi Tahun 2019	Pencapaian Bagi Tahun 2020
i	Kebertanggungjawaban dan Kredibiliti Badan Kehakiman, Pendakwaan dan Agensi Penguatkuasaan Undang-Undang:		
	a. Meningkatkan dari skor 0.54 (2017–2018) kepada skor 0.63 menjelang Tahun 2023 dalam <i>World Justice Project Rule of Law Index</i> .	0.55	0.58
	b. Meningkatkan daripada 77% (2017) kepada 90% menjelang tahun 2023 dalam Kadar Sabitan Kesalahan Rasuah di Malaysia.	78%	39% Pendengaran kes rasuah banyak ditangguhkan kerana pandemik Covid-19
ii	Kecekapan dan Kesiagaan bertindak balas dalam Penyampaian Perkhidmatan Awam:		
	Dari kedudukan 25 (2017) meningkat ke kedudukan 10 terbaik bagi subindeks Kecekapan Kerajaan dalam <i>World Competitiveness Yearbook</i> menjelang tahun 2023.	27	* 27 * Pencapaian adalah sehingga tahun 2019 - Pencapaian tahun 2020 hanya diumumkan pada Jun 2021
iii	Integriti dalam Perniagaan:		
	Untuk kekal di kedudukan ke-4 menjelang tahun 2023 dalam <i>Corporate Governance Watch-Asian Corporate Governance Association</i> .	Ke-4	Ke-5







# *Bab 2*

## MEMPERKASA AGENDA ANTIRASUAH DALAM NEGARA

# Definisi

## Syarikat Berkepentingan Kerajaan (SBK)

Syarikat Pelaburan Berkaitan Kerajaan (GLIC), Syarikat Berkaitan Kerajaan (*Government-Linked Companies-GLC*), Syarikat Dimiliki Kerajaan (*Government Owned Companies-GOC*) termasuk GLIC, GLC dan GOC di bawah kerajaan negeri dan badan berkanun, melalui pemilikan syer.

Ini juga termasuk sub-entiti di bawah kawalan SBK iaitu anak-anak syarikat (*subsidiary companies*), syarikat bersekutu (*associate companies*) dan syarikat minoriti (*minority interest companies*).





# Semakan Semula

## Separuh Penggal

PELAN ANTIRASUAH NASIONAL  
2019–2023

**6** STRATEGI

**17** OBJEKTIF STRATEGIK

**82** INISIATIF

**33** JANGKA PENDEK Jan 2021 – Dis 2022

**49** JANGKA SEDERHANA Jan 2021 – Dis 2023

**NOTA :**

- (K)- merujuk kepada Ketua Agensi Peneraju
- ( )- merujuk kepada nombor Inisiatif Asal dalam Pelan Antirasuah Nasional (NACP) 2019–2023

## BIDANG KEUTAMAAN: TADBIR URUS POLITIK

### STRATEGI 1: Memperkukuhkan Akauntabiliti dan Integriti Politik

#### OBJEKTIF STRATEGIK 1.1: Mereformasi Sistem Perundangan dan Pilihan Raya

NO.	INISIATIF	AGENSI PENERAJU	TEMPOH MASA
1.1 [1.1.1]	Melaksanakan kajian ke atas kesesuaian penggunaan dan pelaksanaan sistem pilihan raya elektronik.	Suruhanjaya Pilihan Raya (SPR)	Jan 2021-Dis 2022
1.1.2 [1.1.2]	Mengkaji semula jumlah perbelanjaan pilihan raya yang dibenarkan bagi setiap kawasan pilihan raya; pihak yang dibenarkan untuk menerima dan membuat perbelanjaan; mentafsir dengan lebih jelas definisi perbelanjaan pilihan raya.	Suruhanjaya Pilihan Raya (SPR)	Jan 2021-Dis 2022
1.1.3 [1.1.4]	Membentuk proses penentuan persempadanan kawasan Parlimen dan Dewan Undangan Negeri yang telus.	Suruhanjaya Pilihan Raya (SPR)	Jan 2021-Dis 2023
1.1.4 [1.1.5]	Mengkaji semula dan memperkasakan Bahagian III (Perbuatan Rasuah) Akta Kesalahan Pilihan Raya 1954 (Akta 5).	1. Suruhanjaya Pilihan Raya (SPR) (K) 2. Suruhanjaya Pencegahan Rasuah Malaysia (SPRM)	Jan 2021-Dis 2023
1.1.5 [1.1.9]	Memasukkan peruntukan undang-undang berkaitan kesalahan penggunaan aset dan jentera Kerajaan untuk mempromosi calon yang bertanding dalam pilihan raya atau parti politik di bawah Akta Kesalahan Pilihan Raya 1954 (Akta 5).	Suruhanjaya Pilihan Raya (SPR)	Jan 2021-Dis 2023

## OBJEKTIF STRATEGIK 1.2: Memastikan Ketelusan dan Akauntabiliti dalam Pentadbiran Kerajaan

NO.	INISIATIF	AGENSI PENERAJU	TEMPOH MASA
1.2.1 (1.2.3)	Mengukuhkan kebebasan Jabatan Audit Negara (JAN) dengan mempunyai ketersediaan sumber yang lebih baik dalam aspek pengurusan sumber manusia khususnya penambahan perjawatan, peruntukan kewangan dan pembangunan yang diluluskan oleh Jawatankuasa Pilihan Parlimen.	Jabatan Audit Negara (JAN)	Jan 2021-Dis 2023
1.2.2 (1.2.4)	Meminda Pekeliling Perkhidmatan Bilangan 3 Tahun 1998 dengan membuat semakan semula ke atas definisi pekeliling (khususnya berkaitan tajaan), amaun atau nilai penerimaan hadiah serta memperkukuhkan mekanisme pemantauan ke atas penerimaan hadiah.	Jabatan Perkhidmatan Awam (JPA)	Jan 2021-Dis 2022
1.2.3	Mengkaji penggubalan rang undang-undang baharu berkaitan sumbangan dana politik.  *Nota: Inisiatif baru ini merupakan gabungan bagi inisiatif asal 1.2.5 dan 6.2.7 dalam NACP 2019-2023.	Jabatan Perdana Menteri (JPM)	Jan 2021-Dis 2022
1.2.4 (1.2.6)	Mentransformasi Biro Pengaduan Awam kepada Ombudsman Malaysia.	1. Biro Pengaduan Awam (BPA) (K) 2. Jabatan Perdana Menteri (JPM)	Jan 2021-Dis 2022
1.2.5 (1.2.8)	Melaksanakan kajian ke atas kesesuaian undang-undang baharu berhubung Kebebasan Maklumat.	Bahagian Hal Ehwal Undang-Undang (BHEUU, JPM)	Jan 2021-Dis 2022
1.2.6 (1.2.9)	Mengkaji keperluan perundangan bertulis berkaitan perisytiharan harta oleh Anggota Pentadbiran dan Ahli Parlimen.	Suruhanjaya Pencegahan Rasuah Malaysia (SPRM)	Jan 2021-Dis 2022
1.2.7 *	Memperkenalkan Kod Tugas dan Fungsi Setiausaha Politik (SUPOL).	Jabatan Perdana Menteri (JPM)	Jan 2021-Dis 2022

## OBJEKTIF STRATEGIK 1.3: Menangani Campur Tangan Ahli Politik dalam Perkhidmatan Awam dan Pentadbiran Pihak Berkuasa Tempatan

NO.	INISIATIF	AGENSI PENERAJU	TEMPOH MASA
1.3.1 (1.3.1)	Mengeluarkan garis panduan sebagai mekanisme memudah cara anggota pentadbiran dalam menguruskan permohonan sokongan.	Jabatan Perdana Menteri (JPM)	Jan 2021-Dis 2022
1.3.2 (1.3.2)	Memperkenalkan Arahan Perdana Menteri dalam pengurusan had bidang kuasa antara Menteri dengan Ketua Setiausaha.	Jabatan Perdana Menteri (JPM)	Jan 2021-Dis 2022
1.3.3 (1.3.3)	Memperkenalkan dasar berhubung pelantikan ahli politik sebagai Pengerusi atau Ahli Lembaga Pengarah dalam Badan Berkanun, Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan berasaskan kepada keperluan syarikat dan kelayakan calon dari segi akademik, kelayakan profesional, kemampuan, kepakaran dan pengalaman sama ada dalam bidang operasi, teknikal, profesional atau pendedahan spesifik kepada sektor berkaitan.	1. Kementerian Kewangan (MOF) (K) 2. Unit Penyelarasan Pelaksanaan (ICU, JPM)	Jan 2021-Dis 2022
1.3.4 (1.3.5)	Memperkenalkan garis panduan mengekang pengaruh politik dalam membuat keputusan mengenai pelantikan dan pemecatan Pengerusi / Ahli Lembaga Pengarah / Ketua Pegawai Eksekutif bagi Badan Berkanun, Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan.	1. Kementerian Kewangan (MOF) (K) 2. Unit Penyelarasan Pelaksanaan (ICU, JPM)	Jan 2021-Dis 2022

## OBJEKTIF STRATEGIK 1.4: Memperkasa Autoriti dan Tadbir Urus Parlimen

1.4.1 (1.4.6)	Memperkenalkan garis panduan bertulis tentang peranan Kerajaan sementara.	Jabatan Perdana Menteri (JPM)	Jan 2021-Dis 2022
1.4.2 (1.4.11)	Mengkaji keperluan bagi memperkenalkan semula Akta Perkhidmatan Parlimen 1963.	Parlimen Malaysia	Jan 2021-Dis 2022





## BIDANG KEUTAMAAN: PENTADBIRAN SEKTOR AWAM

### STRATEGI 2: Memperkukuh Kecekapan Penyampaian Perkhidmatan Awam

#### OBJEKTIF STRATEGIK 2.1: Merekayasa Perkhidmatan Awam ke Arah Tadbir Urus Baik

NO.	INISIATIF	AGENSI PENERAJU	TEMPOH MASA
2.1.1 (2.1.1)	Mengukuhkan mekanisme dalam menguatkuasa pusingan kerja secara mandatori kepada penjawat awam yang memegang jawatan sensitif.	1. Jabatan Perkhidmatan Awam (JPA) (K) 2. Jabatan/Agensi di peringkat Kerajaan Negeri yang berkaitan	Jan 2021-Dis 2022
2.1.2 (2.1.2)	Menambahbaik garis panduan penglibatan dan pelantikan pegawai kanan Kerajaan sebagai Ahli Lembaga Pengarah dan Ketua Pegawai Eksekutif di semua Badan Berkanun, Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan.	1. Kementerian Kewangan (MOF) (K) 2. Jabatan Perkhidmatan Awam (JPA) 3. Jabatan/Agensi di Peringkat Kerajaan Negeri yang berkaitan	Jan 2021-Dis 2022
2.1.3 (2.1.3)	Memperkenalkan pelaksanaan pensijilan Anti-Bribery Management System (ABMS) MS ISO 37001 di agensi Kerajaan.	1. Jabatan Standard Malaysia (JSM) (K) 2. Kementerian Kewangan Malaysia (MOF) 3. Suruhanjaya Pencegahan Rasuah Malaysia (SPRM) 4. Institut Integriti Malaysia	Jan 2021-Dis 2023

NO.	INISIATIF	AGENSI PENERAJU	TEMPOH MASA
2.1.4 (2.1.4)	<p>Mewujudkan inisiatif untuk menggalakkan dan menguruskan nilai baik di tempat kerja berteraskan integriti, akauntabiliti dan kecekapan dalam sektor awam melalui:</p> <p>a. <b>Sistem Pengurusan Audit Nilai (SPAN)</b> untuk mengukur dan menganalisis nilai baik di tempat kerja dalam sektor awam berpandukan Arahan YAB Perdana Menteri No. 1 Tahun 1998 Siri 7 No. 1 Tahun 2007; dan</p> <p>a. <b>Modul Pemantapan Nilai Perkhidmatan Awam</b> Modul ini mengesyorkan inisiatif untuk meningkatkan dan menyatukan nilai ke dalam struktur, proses, sistem dan penyampaian di dalam operasi perkhidmatan awam.</p>	<ol style="list-style-type: none"> <li>Jabatan Perkhidmatan Awam (JPA) (K)</li> <li>Kementerian/Jabatan/Agensi/ Pihak Berkuasa Tempatan yang berkaitan</li> </ol>	Jan 2021-Dis 2022
2.1.5 (2.1.5)	<p>Mewajibkan sektor awam untuk membangunkan Pelan Antirasuah Organisasi (OACP) dengan dibantu oleh Suruhanjaya Pencegahan Rasuah Malaysia (SPRM), Institut Integriti Malaysia dan mana-mana pihak yang berkeelayakan.</p>	<ol style="list-style-type: none"> <li>Suruhanjaya Pencegahan Rasuah Malaysia (SPRM) (K)</li> <li>Jabatan Perdana Menteri (JPM)</li> <li>Institut Integriti Malaysia</li> <li>Kementerian/Jabatan/Agensi/ Pihak Berkuasa Tempatan yang berkaitan</li> </ol>	Jan 2021-Dis 2023
2.1.6 (2.1.6)	<p>Membentuk mekanisme yang kukuh dan efektif dalam proses pengeluaran permit dan lesen.</p>	<ol style="list-style-type: none"> <li>Perbadanan Produktiviti Malaysia (MPC) (K)</li> <li>Kementerian/Jabatan/Agensi/ Pihak Berkuasa Tempatan yang berkaitan</li> </ol>	Jan 2021-Dis 2023

## OBJEKTIF STRATEGIK 2.2: Menggalakkan Merit Dan Integriti Dalam Proses Pengambilan, Pemilihan dan Pelantikan Ke Mana – Mana Jawatan

NO.	INISIATIF	AGENSI PENERAJU	TEMPOH MASA
2.2.1 (2.2.2)	Memperkenalkan dasar dalam pelantikan pegawai <i>Contract For Service</i> (CFS) di semua agensi kerajaan tertakluk kepada peraturan-peraturan penjawat awam.	1. Jabatan Perdana Menteri (JPM) (K) 2. Kementerian Kewangan (MOF) 3. Jabatan Perkhidmatan Awam (JPA)	Jan 2021-Dis 2023
2.2.2 (2.2.3)	Menambahbaik proses kenaikan pangkat perkhidmatan awam sedia ada dengan mengambilkira elemen integriti sebagai prasyarat (termasuk pegawai tinggi Kerajaan).	1. Jabatan Perkhidmatan Awam (JPA) (K) 2. Institut Integriti Malaysia	Jan 2021-Dis 2022
2.2.3 (2.2.7)	Menyemak semula dan memperkukuhkan proses tapisan integriti sedia ada khususnya pegawai Kerajaan yang memegang jawatan dan tanggungjawab yang berisiko tinggi.	1. Jabatan Perkhidmatan Awam (JPA) (K) 2. Suruhanjaya Pencegahan Rasuah Malaysia (SPRM)	Jan 2021-Dis 2022
2.2.4 (2.2.8)	Mewajibkan Pegawai Atase yang ditempatkan di Perwakilan Malaysia di luar negara untuk bertanggungjawab kepada Ketua Perwakilan di luar negara (Duta Besar/Pesuruhjaya Tinggi/Konsul Jeneral/Konsul).	1. Kementerian Luar Negeri (KLN) (K) 2. Kementerian/Jabatan/Agensi yang berkaitan	Jan 2021-Dis 2022

## OBJEKTIF STRATEGIK 2.3: Mengukuhkan Akauntabiliti Pihak Berkuasa Tempatan

2.3.1 *	Memperkasakan Pihak Berkuasa Tempatan melalui pindaan perundangan berkaitan Akta Kerajaan Tempatan 1976 [Akta 171].	1. Kementerian Perumahan dan Kerajaan Tempatan (KPKT) (K) 2. Jabatan Kerajaan Tempatan (JKT) 3. Pihak Berkuasa Negeri (PBN) 4. Pihak Berkuasa Tempatan (PBT)	Jan 2021-Dis 2023
2.3.2 *	Memperkenalkan cadangan alternatif bagi melaksanakan pemusatan beberapa jawatan Pihak Berkuasa Tempatan terpilih di bawah Pihak Berkuasa Negeri menggantikan Suruhanjaya Perkhidmatan Pihak Berkuasa Tempatan (SPPBT).	1. Kementerian Perumahan dan Kerajaan Tempatan (KPKT) (K) 2. Jabatan Perkhidmatan Awam (JPA) 3. Jabatan Kerajaan Tempatan (JKT) 4. Pihak Berkuasa Negeri (PBN) 5. Pihak Berkuasa Tempatan (PBT)	Jan 2021-Dis 2023

## OBJEKTIF STRATEGIK 2.4: Menambahbaik Keberkesanan Pendidikan dan Pembangunan Profesional Berterusan Dalam Kalangan Pegawai Awam melalui program berdasarkan kepada *Human Governance*

NO.	INISIATIF	AGENSI PENERAJU	TEMPOH MASA
2.4.1 (2.4.1)	Mengkaji semula bagi memantapkan kurikulum bagi pendidikan guru pra-perkhidmatan dan dalam perkhidmatan bagi merangkumi aspek integriti, tadbir urus insan dan antirasuah.	<ol style="list-style-type: none"> <li>1. Kementerian Pendidikan Malaysia (KPM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.2 (2.4.2)	Memberi penekanan terhadap elemen integriti dan nilai insan (tadbir urus insan) dalam program induksi pensyarah di institut pengajian tinggi.	<ol style="list-style-type: none"> <li>1. Kementerian Pengajian Tinggi (KPT) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.3 (2.4.3)	Memperkuhkan program kepemimpinan bagi warga pendidik dan pentadbir sedia ada di Kementerian Pendidikan dengan memasukkan elemen tadbir urus insan.	<ol style="list-style-type: none"> <li>1. Kementerian Pendidikan Malaysia (KPM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.4 (2.4.4)	Memperkuhkan program kepemimpinan bagi warga pendidik dan pentadbir di semua pusat pengajian tinggi dengan memasukkan elemen tadbir urus insan.	<ol style="list-style-type: none"> <li>1. Kementerian Pengajian Tinggi (KPT) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.5 (2.4.5)	Memberi penekanan yang lebih terhadap kepentingan nilai murni insan dalam silibus pendidikan pra-sekolah.	<ol style="list-style-type: none"> <li>1. Kementerian Pendidikan Malaysia (KPM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.6 (2.4.6)	Memperkuhkan pendidikan di peringkat sekolah rendah yang berteraskan kepada pembentukan sahsiah, jati diri dan kepimpinan yang utuh.	<ol style="list-style-type: none"> <li>1. Kementerian Pendidikan Malaysia (KPM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023

NO.	INISIATIF	AGENSI PENERAJU	TEMPOH MASA
2.4.7 (2.4.7)	Memperkenalkan kursus matapelajaran wajib di Institusi Pendidikan Tinggi pada peringkat Sijil, Diploma dan Sarjana Muda yang menekankan kepada aspek kenegaraan, etika, peradaban, nilai, integriti dan falsafah.	<ol style="list-style-type: none"> <li>1. Kementerian Pengajian Tinggi (KPT) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.8 (2.4.8)	Memberi penekanan kepada aspek integriti dan antirasuah dalam program pendidikan keusahawanan.	<ol style="list-style-type: none"> <li>1. Kementerian Pembangunan Usahawan dan Koperasi (MEDAC) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.9 (2.4.9)	Menyebarkan mesej antirasuah dalam konteks hubungan antara insan melalui pelbagai saluran media secara berterusan.	<ol style="list-style-type: none"> <li>1. Kementerian Komunikasi dan Multimedia (KKMM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Kerajaan Negeri</li> </ol>	Jan 2021-Dis 2023
2.4.10 (2.4.10)	Menyebarkan mesej berkenaan antirasuah dalam konteks hubungan antara insan melalui penglibatan pelbagai agensi agama dan badan bukan kerajaan (NGO) secara berterusan.	<ol style="list-style-type: none"> <li>1. Suruhanjaya Pencegahan Rasuah Malaysia (SPRM) (K)</li> <li>2. Pertubuhan Bukan Kerajaan (NGO)</li> <li>3. Organisasi agama</li> </ol>	Jan 2021-Dis 2023
2.4.11 (2.4.11)	Memperkukuhkan pendidikan di peringkat sekolah menengah yang berteraskan kepada pembentukan sahsiah, jatidiri dan kepimpinan yang utuh.	<ol style="list-style-type: none"> <li>1. Kementerian Pendidikan Malaysia (KPM) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.12 (2.4.12)	Mendekati golongan belia yang berada di luar sistem pendidikan formal (remaja tercicir) melalui kelab, persatuan dan organisasi belia untuk menerapkan nilai integriti, tadbir urus dan antirasuah.	<ol style="list-style-type: none"> <li>1. Kementerian Belia dan Sukan (KBS) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023

NO.	INISIATIF	AGENSI PENERAJU	TEMPOH MASA
2.4.13 (2.4.13)	Memberi penekanan terhadap elemen integriti dan nilai insan (tadbir urus insan) dalam program induksi penjawat awam.	<ol style="list-style-type: none"> <li>1. Jabatan Perkhidmatan Awam (JPA) (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Institut Integriti Malaysia</li> </ol>	Jan 2021-Dis 2023
2.4.14	<p>Memperkuhkan elemen tadbir urus insan, integriti dan antirasuah dalam program pembangunan profesional berterusan yang dilaksanakan oleh Agensi Kawal Selia kepada Badan Berkanun, Syarikat Berkepentingan Kerajaan (SBK), Syarikat Terhad Dengan Jaminan (CLBG) yang ditubuhkan oleh Kerajaan dan pihak swasta.</p> <p>*Nota: Inisiatif baru ini merupakan gabungan bagi inisiatif asal 2.4.14 dan 6.2.2 dalam NACP 2019-2023.</p>	<ol style="list-style-type: none"> <li>1. Suruhanjaya Pencegahan Rasuah Malaysia (SPRM) (K)</li> <li>2. Agensi Kawal Selia yang Berkaitan dan Badan-Badan Profesional</li> <li>3. Institut Integriti Malaysia</li> <li>4. Suruhanjaya Syarikat Malaysia (SSM)</li> <li>5. Suruhanjaya Sekuriti (SC)</li> </ol>	Jan 2021-Dis 2023

## BIDANG KEUTAMAAN: PEROLEHAN AWAM

### STRATEGI 3: Mempertingkatkan Keberkesanan dan Ketelusan Perolehan Awam

#### OBJEKTIF STRATEGIK 3.1: Memperkukuhkan Kerangka Perolehan Awam

NO.	INISIATIF	AGENSI PENERAJU	TEMPOH MASA
3.1.1 (3.1.1)	Memperkenalkan dasar perolehan yang komprehensif berhubung pengisytiharan konflik kepentingan semasa proses perolehan.	1. Kementerian Kewangan (MOF) (K) 2. Suruhanjaya Pencegahan Rasuah Malaysia (SPRM)	Jan 2021-Dis 2022
3.1.2 (3.1.3)	Membuat semakan ke atas <i>Integrity Pact</i> sedia ada supaya seiring dengan piawaian antarabangsa serta sistem dan prosedur yang berkuat kuasa bagi menangani isu-isu konflik kepentingan.	1. Suruhanjaya Pencegahan Rasuah Malaysia (SPRM) (K) 2. Kementerian Kewangan (MOF)	Jan 2021-Dis 2022
3.1.3 (3.1.4)	Menambahbaik Sistem Pemantauan Projek II (SPP II) menerusi pembangunan Sistem MyProjek dalam memantau kitaran pengurusan projek Kerajaan agar lebih berkesan dan cekap.	Unit Penyelarasan Pelaksanaan (ICU, JPM)	Jan 2021-Dis 2022
3.1.4 (3.1.5)	Memperkenalkan perundangan berkaitan perolehan awam dalam mengawal selia aktiviti perolehan, menambahbaik penggunaan sumber secara cekap, menjaga kepentingan negara dan melindungi hak-hak pihak yang terikat dengan kontrak.	Kementerian Kewangan (MOF)	Jan 2021-Dis 2023
3.1.5 (3.1.6)	Mewujudkan garis panduan kebertanggungjawaban dan ketelusan dalam pelaksanaan kuasa-kuasa Menteri yang dinyatakan dalam peruntukan undang-undang khususnya dalam perolehan dan sistem kewangan.	Kementerian Kewangan (MOF)	Jan 2021-Dis 2023

## OBJEKTIF STRATEGIK 3.2: Meningkatkan Ketelusan Perolehan Awam, Pengurangan Risiko Rasuah, Penyelewengan Pasaran dan Antipersaingan

NO.	INISIATIF	AGENSI PENERAJU	TEMPOH MASA
3.2.1 (3.2.1)	Memperkenalkan peraturan/tatacara yang komprehensif dan lebih telus dalam mencegah kebocoran maklumat dalam proses perolehan.	Kementerian Kewangan (MOF)	Jan 2021-Dis 2022
3.2.2 (3.2.5)	Memperkenalkan mekanisme saluran aduan berkaitan perolehan untuk pihak yang tidak berpuas hati.	Kementerian Kewangan (MOF)	Jan 2021-Dis 2022
3.2.3 (3.2.6)	Memperkasakan peranan pegawai daripada Unit Integriti (UI) dan Unit Audit Dalam (UAD) sebagai mekanisme semak dan imbang dalam urusan perolehan Kerajaan.	1. Suruhanjaya Pencegahan Rasuah Malaysia (SPRM) (K) 2. Kementerian Kewangan (MOF) 3. Jabatan Audit Negara (JAN)	Jan 2021-Dis 2022
3.2.4 (3.2.7)	Penambahbaikan dalam peraturan dan pemantauan isu salah laku dalam pengurusan projek oleh Kontraktor dan Perunding Profesional Teknikal (Jurutera, Arkitek dan Jurukur Bahan).	1. Kementerian Kerja Raya (KKR) (K) 2. Suruhanjaya Pencegahan Rasuah Malaysia (SPRM) 3. Lembaga Pembangunan Industri Pembinaan Malaysia (CIDB)	Jan 2021-Dis 2022
3.2.5 (3.2.8)	Memperkenalkan sistem <i>eWorks</i> dalam memantau pengurusan projek, kelulusan projek dan analisis nilai.	1. Kementerian Kewangan (MOF) (K) 2. Kementerian Kerja Raya (KKR)	Jan 2021-Dis 2023
3.2.6 (3.2.9)	Meningkatkan sistem perolehan berasaskan teknologi (e-perolehan) bagi mengurangkan campur tangan manusia.	Kementerian Kewangan (MOF)	Jan 2021-Dis 2023
3.2.7 (3.2.10)	Meningkatkan kerjasama JKR Malaysia dengan JKR Sabah dan JKR Sarawak dalam memantapkan pengurusan projek kerajaan persekutuan di Sabah dan Sarawak.	Jabatan Kerja Raya (JKR)	Jan 2021-Dis 2023
3.2.8 *	Memperkenalkan satu mekanisme penyemakan pendaftaran dan pembaharuan kontraktor dari segi kesahihan kemampuan mengikut kelas pendaftaran kontraktor yang dipohon.	1. Kementerian Kerja Raya (KKR) (K) 2. Lembaga Pembangunan Industri Pembinaan Malaysia (CIDB)	Jan 2021-Dis 2023



NO.	INISIATIF	AGENSI PENERAJU	TEMPOH MASA
3.2.9 *	Memperkenalkan satu mekanisme tambahan bagi pengesahan kemampuan kewangan kontraktor dengan kenaikan bon tender/ deposit tender untuk projek yang melebihi RM 10 juta bagi semua projek Pengurusan Penyelenggaraan Fasilitas ( <i>Facility Maintenance Management</i> [FMM]) serta projek berprestij tinggi, projek kompleks dan/atau projek berkaitan keselamatan negara sebagaimana yang dikenal pasti oleh agensi pelaksana.	<ol style="list-style-type: none"> <li>1. Jabatan Kerja Raya (JKR) (K)</li> <li>2. Kementerian Kerja Raya (KKR)</li> <li>3. Kementerian Kewangan (MOF)</li> </ol>	Jan 2021-Dis 2023
3.2.10 *	Mengekalkan mekanisme penilaian harga berdasarkan kaedah <i>Cut-Off</i> dalam proses menilai harga tender. Kaedah penilaian <i>Cut-Off</i> adalah berasaskan harga min ( <i>Mean</i> ) dan sisihan piawai ( <i>Standard Deviation</i> ) bagi harga-harga tender yang diterima dengan mengambil kira harga Anggaran Jabatan (AJ) sebagai salah satu daripada harga tender dan turut sama mengeluarkan harga tender yang tidak munasabah.	<ol style="list-style-type: none"> <li>1. Jabatan Kerja Raya (JKR) (K)</li> <li>2. Kementerian Kerja Raya (KKR)</li> <li>3. Kementerian Kewangan (MOF)</li> </ol>	Jan 2021-Dis 2023
3.2.11 *	Mewajibkan pengisytiharan pemunya benefisial oleh semua petender/syarikat yang menyertai perolehan Kerajaan berdasarkan garis panduan oleh Suruhanjaya Syarikat Malaysia (SSM).	<ol style="list-style-type: none"> <li>1. Kementerian Kewangan (MOF) (K)</li> <li>2. Suruhanjaya Syarikat Malaysia (SSM)</li> <li>3. Suruhanjaya Pencegahan Rasuah Malaysia (SPRM)</li> </ol>	Jan 2021-Dis 2022



## BIDANG KEUTAMAAN: PERUNDANGAN DAN KEHAKIMAN

### STRATEGI 4: Mempertingkatkan Kredibiliti Sistem Perundangan Dan Kehakiman

#### OBJEKTIF STRATEGIK 4.1: Menambahbaik Keberkesanan Institusi Sistem Perundangan Dan Kehakiman

NO.	INISIATIF	AGENSI PENERAJU	TEMPOH MASA
4.1 [4.1.3]	Memberi keutamaan supaya kes rasuah didengar oleh hakim yang berpengalaman dan terlatih dalam mengendalikan kes rasuah.	Pejabat Ketua Pendaftar Mahkamah Persekutuan Malaysia (PKPMP)	Jan 2021-Dis 2022
4.1.2 [4.1.5]	Memastikan pengasingan kuasa yang jelas dan memartabatkan keadilan, iaitu kuasa Pendakwa Raya hendaklah diasingkan daripada kuasa Peguam Negara.  1. Peguam Negara: Peguam Negara tidak melaksanakan sebarang kuasa dan tanggungjawab dalam hal ehwal pendakwaan. 2. Pendakwa Raya: Pendakwa Raya mengambil alih tugas dan kuasa pendakwaan daripada Peguam Negara.	Jabatan Peguam Negara (AGC)	Jan 2021-Dis 2023
4.1.3 [4.1.6]	Memperkasakan penggunaan teknologi dan pendigitalan di Mahkamah Khas Rasuah.	1. Pejabat Ketua Pendaftar Mahkamah Persekutuan Malaysia (PKPMP) (K) 2. Jabatan Perdana Menteri (JPM)	Jan 2021-Dis 2023



## BIDANG KEUTAMAAN: PENGUATKUASAAN UNDANG-UNDANG

STRATEGI 5: Menginstitusikan Kredibiliti Agensi Penguatkuasaan  
Undang-Undang

### OBJEKTIF STRATEGIK 5.1: Meningkatkan Kecekapan dan Pengamalan Profesionalisme dalam Agensi Penguatkuasa Undang-Undang

NO.	INISIATIF	AGENSI PENERAJU	TEMPOH MASA
5.1.1 (5.1.3)	Menyepadukan agensi berkaitan yang bertanggungjawab dalam mengurus kawalan sempadan bagi memastikan pengurusan sempadan yang berkesan.	Kementerian Dalam Negeri (KDN)	Jan 2021-Dis 2023

### OBJEKTIF STRATEGIK 5.2: Keperluan Penggunaan Teknologi Tinggi Dalam Penguatkuasaan Undang-Undang

5.2.1 (5.2.2)	Menggunakan teknologi komunikasi dan maklumat di semua pusat tahanan.	Kementerian Dalam Negeri (KDN)	Jan 2021-Dis 2023
5.2.2 (5.2.3)	Menambahbaik sistem pengurusan pekerja asing berpusat dengan cara memperkemas dan menyepadukan sistem permohonan pekerja asing atas talian sedia ada.	Kementerian Dalam Negeri (KDN)	Jan 2021-Dis 2023
5.2.3 (5.2.4)	Menggunakan teknologi digital untuk memantau aktiviti haram dan tidak sah seperti pendatang asing tanpa izin, penyeludupan dan aktiviti haram lain di semua pusat kawalan sempadan dan pintu masuk negara.	Kementerian Dalam Negeri (KDN)	Jan 2021-Dis 2023
5.2.4 (5.2.5)	Mewujudkan sistem pengkalan data yang bersepadu untuk pendaftaran masuk dan keluar imigran dari Malaysia.	Kementerian Dalam Negeri (KDN)	Jan 2021-Dis 2023

NO.	INISIATIF	AGENSI PENERAJU	TEMPOH MASA
5.2.5 *	Pelaksanaan sistem pelesenan atas talian bagi pengeluaran lesen dan permit bagi pengendali perkhidmatan awam darat dan kenderaan perdagangan oleh Agensi Pengangkutan Awam Darat (APAD), Lembaga Pelesenan Kenderaan Perdagangan (LPKP) Sabah dan Lembaga Pelesenan Kenderaan Perdagangan (LPKP) Sarawak.	<ol style="list-style-type: none"> <li>1. Kementerian Pengangkutan (MOT) (K)</li> <li>2. Agensi Pengangkutan Awam Darat (APAD)</li> <li>3. Lembaga Pelesenan Kenderaan Perdagangan (LPKP) Sabah</li> <li>4. Lembaga Pelesenan Kenderaan Perdagangan (LPKP) Sarawak</li> </ol>	Jan 2021-Dis 2022

## OBJEKTIF STRATEGIK 5.3: Memperkukuhkan Agensi Penguatkuasaan Undang-Undang

5.3.1 (5.3.2)	Memperkasa Pasukan Polis Diraja Malaysia (PDRM) khususnya dalam menguruskan kebajikan, logistik, tenaga kerja dan peruntukan kewangan untuk latihan.	Kementerian Dalam Negeri (KDN)	Jan 2021-Dis 2023
5.3.2 (5.3.3)	Memperkasa Suruhanjaya Pencegahan Rasuah Malaysia (SPRM) khususnya dalam pelantikan Ketua Pesuruhjaya, peruntukan kewangan, jawatankuasa pemantau, penubuhan suruhanjaya perkhidmatan dan tenaga kerja.	Suruhanjaya Pencegahan Rasuah Malaysia (SPRM)	Jan 2021-Dis 2023
5.3.3 (5.3.4)	Menubuhkan Suruhanjaya Bebas Tata Kelakuan Polis ( <i>Independent Police Conduct Commission</i> ) [IPCC] bagi menangani isu integriti dan mengekang salah laku anggota Polis Diraja Malaysia (PDRM).	Kementerian Dalam Negeri (KDN)	Jan 2021-Dis 2023

## OBJEKTIF STRATEGIK 5.4: Menambahbaik Perundangan Agensi Penguatkuasaan Undang-Undang

NO.	INISIATIF	AGENSI PENERAJU	TEMPOH MASA
5.4.1 (5.4.1)	Memasukkan peruntukan baharu dalam undang-undang sedia ada berkaitan salah laku penjawat awam yang menyebabkan ketirisan dan kerugian dana Kerajaan secara sengaja.	Suruhanjaya Pencegahan Rasuah Malaysia (SPRM)	Jan 2021-Dis 2023
5.4.2 (5.4.3)	Memasukkan peruntukan baharu dalam Akta Suruhanjaya Pencegahan Rasuah 2009 (Akta 694) berkaitan kesalahan oleh organisasi komersial atau seseorang individu dalam penjualan projek/tender Kerajaan kepada pihak lain untuk faedah kewangan tanpa melaksanakan projek/tender tersebut. (peruntukan ini juga mengambilkira pendedahan pemunya benefisial terhadap pihak yang mendapat faedah daripada penjualan tender).	Suruhanjaya Pencegahan Rasuah Malaysia (SPRM)	Jan 2021-Dis 2023
5.4.3 *	Menambahbaik peruntukan di dalam Akta Perlindungan Pemberi Maklumat 2010 (Akta 711).	Bahagian Hal Ehwal Undang-Undang (BHEUU, JPM)	Jan 2021-Dis 2023





## BIDANG KEUTAMAAN: TADBIR URUS KORPORAT

### STRATEGI 6: Memupuk Tadbir Urus Baik Dalam Entiti Korporat

#### OBJEKTIF STRATEGIK 6.1: Memastikan Pengamalan Ketelusan Oleh Pihak Yang Mengawal Entiti Korporat

NO.	INISIATIF	AGENSI PENERAJU	TEMPOH MASA
6.1.1	<p>Mengeluarkan Arahan Perdana Menteri dalam melaksanakan tapisan integriti sebelum pelantikan pengurusan tertinggi dibuat dan dalam mentadbir perisytiharan konflik kepentingan serta isu ketelusan dan kecekapan dalam Badan Berkanun, Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan.</p> <p>*Nota: Inisiatif baru ini merupakan gabungan bagi inisiatif asal 6.1.1 dan 6.2.5 dalam NACP 2019-2023.</p>	<ol style="list-style-type: none"><li>1. Jabatan Perdana Menteri (JPM) (K)</li><li>2. Suruhanjaya Pencegahan Rasuah Malaysia (SPRM)</li><li>3. Kementerian Kewangan (MOF)</li><li>4. Suruhanjaya Syarikat Malaysia (SSM)</li><li>5. Suruhanjaya Sekuriti (SC)</li><li>6. Agensi Persekutuan dan Agensi Kerajaan Negeri yang berkaitan</li></ol>	Jan 2021-Dis 2023
6.1.2 *	<p>Mengeluarkan garis panduan bagi menyelaraskan peranan termasuk pembangunan kapasiti dan kapabiliti Pengerusi / Ketua Pegawai Eksekutif / Ahli Lembaga Pengarah Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan.</p>	<ol style="list-style-type: none"><li>1. Kementerian Kewangan (MOF) (K)</li><li>2. Suruhanjaya Syarikat Malaysia (SSM)</li><li>3. Suruhanjaya Sekuriti (SC)</li></ol>	Jan 2021-Dis 2022

## OBJEKTIF STRATEGIK 6.2: Memastikan Daya Tahan Terhadap Ancaman Rasuah di Entiti Korporat

NO.	INISIATIF	AGENSI PENERAJU	TEMPOH MASA
6.2.1 (6.2.1)	Melaksanakan Pelan Antirasuah Organisasi (OACP) di Badan Berkanun, Syarikat Berkepentingan Kerajaan (SBK), Syarikat Terhad Dengan Jaminan (CLBG) yang ditubuhkan oleh Kerajaan dan sektor swasta yang dikawal selia oleh badan kawal selia dengan panduan oleh Suruhanjaya Pencegahan Rasuah Malaysia (SPRM), Institut Integriti Malaysia dan mana-mana pihak yang berkecualan.	<ol style="list-style-type: none"> <li>1. Suruhanjaya Pencegahan Rasuah Malaysia (SPRM) (K)</li> <li>2. Jabatan Perdana Menteri (JPM)</li> <li>3. Institut Integriti Malaysia</li> <li>4. Syarikat Berkepentingan Kerajaan (SBK)</li> <li>5. Syarikat Terhad Dengan Jaminan (CLBG)</li> <li>6. Sektor swasta yang dikawal selia oleh badan kawal selia</li> </ol>	Jan 2021-Dis 2023
6.2.2 (6.2.3)	Memperluaskan penempatan Pegawai Integriti Bertauliah (CeIO) di semua Badan Berkanun, Syarikat Berkepentingan Kerajaan (SBK) dan Syarikat Terhad Dengan Jaminan (CLBG) yang ditubuhkan oleh Kerajaan dan sektor swasta.	<ol style="list-style-type: none"> <li>1. Suruhanjaya Pencegahan Rasuah Malaysia (SPRM) (K)</li> <li>2. Kementerian Kewangan (MOF)</li> <li>3. Jabatan Perdana Menteri (JPM)</li> <li>4. Suruhanjaya Sekuriti (SC)</li> <li>5. Agensi Persekutuan dan Agensi Kerajaan Negeri yang berkaitan</li> </ol>	Jan 2021-Dis 2022
6.2.3 (6.2.4)	Mengkaji mekanisme pelaksanaan pensijilan <i>Anti-Bribery Management System</i> (ABMS) MS ISO 37001 ke atas syarikat yang menyertai perolehan Kerajaan.	<ol style="list-style-type: none"> <li>1. Jabatan Standard Malaysia (JSM) (K)</li> <li>2. Kementerian Kewangan (MOF)</li> <li>3. Suruhanjaya Pencegahan Rasuah Malaysia (SPRM)</li> </ol>	Jan 2021-Dis 2022
6.2.4 *	Mempromosi, membangun dan menyediakan latihan bagi pelaksanaan Tatacara Mencukupi selaras dengan Seksyen 17A (5) (Liabiliti Korporat) Akta Suruhanjaya Pencegahan Rasuah Malaysia 2009 (Akta 694) oleh organisasi komersial.	<ol style="list-style-type: none"> <li>1. Institut Integriti Malaysia (K)</li> <li>2. Suruhanjaya Pencegahan Rasuah Malaysia (SPRM)</li> <li>3. Suruhanjaya Sekuriti (SC)</li> <li>4. Suruhanjaya Syarikat Malaysia (SSM)</li> <li>5. Agensi Persekutuan dan Agensi Kerajaan Negeri yang berkaitan</li> </ol>	Jan 2021-Dis 2023
6.2.5 *	Menggalakkan sektor swasta menyertai program <i>Authorised Economic Operator</i> (AEO) bagi meningkatkan pematuhan dan tadbir urus baik dalam urusan import/eksport.	Jabatan Kastam Diraja Malaysia (JKDM)	Jan 2021-Dis 2023





# *Bab 3*

**KESIMPULAN**

# Penutup

**// TANAMKAN DALAM  
MINDA MASYARAKAT  
SEMENJAK DI BANGKU  
SEKOLAH LAGI  
BAHAWA RASUAH  
ADALAH JIIK, KOTOR  
DAN WAJAR DIPERANGI  
HABIS-HABISAN. //**

---

Yang di-Pertuan Agong  
Al-Sultan Abdullah Ri'ayatuddin  
Al-Mustafa Billah Shah, Istiadat  
Pembukaan Mesyuarat Penggal  
Ketiga Parlimen ke-14



---

**PERJALANAN  
NACP IALAH SUATU  
EPISOD GETIR YANG  
MENYAKSIKAN SEJAUH  
MANA KOMITMEN  
SEMUA PIHAK DALAM  
MENYELAMATKAN  
NEGARA DARI  
DISELUBUNGI OLEH  
RASUAH YANG MENJADI  
MUSUH NOMBOR SATU  
NEGARA.**

---

Dalam usaha membina negara bangsa yang tidak bertoleransi dengan perlakuan rasuah, peranan setiap individu di setiap peringkat sama ada sektor kerajaan persekutuan, kerajaan negeri, pihak berkuasa tempatan, syarikat berkepentingan kerajaan, sektor swasta, ketua masyarakat dan warganegara adalah amat penting untuk membawa negara menjadi sebuah negara yang maju tanpa anasir rasuah. Pelbagai inisitif yang digariskan oleh kerajaan dalam laporan ini adalah selaras dengan visi NACP untuk menuju ke arah sebuah negara yang bebas rasuah. Tanpa komitmen setiap individu, jauh sekali untuk mencapai status negara yang dipandang tinggi dengan pencapaian sifar toleransi kepada rasuah.

Setiap usaha mulia ke arah agenda menentang rasuah, tentu sahaja wujud cabaran getir, justeru arus yang deras yang dipenuhi liku-liku tajam perlu ditongkah bersama dan dengan kesepakatan tanpa berbelah bagi, akan membawa negara ke arah yang lebih baik dan sewajarnya menjadi keutamaan setiap individu.

Walau pelbagai saranan diterima dari dalam negara mahupun peringkat antarabangsa untuk memajukan negara, jika masalah utama iaitu rasuah tidak ditangani sebaiknya dan terus menjadi sistemik, malah diletakkan beban sepenuhnya di atas bahu satu pihak sahaja iaitu Suruhanjaya Pencegahan Rasuah Malaysia, maka, amat tipis keberhasilan yang akan dicapai.

Dalam hal ini. Kerajaan telah memberi mandat kepada Pusat Governans, Integriti dan Antirasuah Nasional (GIACC) untuk memantau dan menilai pelaksanaan inisiatif-inisiatif oleh agensi-agensi dan pihak yang telah digariskan dalam Laporan ini. Laporan ini akan menjadi rujukan yang memaparkan kesinambungan usaha dan tindakan yang diambil oleh pihak-pihak berkaitan dalam menjadikan negara ini sebuah negara yang bermartabat dan berruarah.




















JABATAN PERDANA MENTERI

ISBN 978-967-17951-4-9



9 7 8 9 6 7 1 7 9 5 1 4 9